

歷代貢舉志
歷代武舉考
貢舉叙略

科場條貫
學科考略
臚傳紀事



卷之四
詩經
卷之五
詩經

卷之六
詩經
卷之七
詩經



科
場
條
貫

陸
深
撰

中
華
書
局

叢書集成初編

歷代貢舉志（及其他五種）

中華書局出版發行

（北京王府井大街三十六號）

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

科場條貫

此據紀錄彙編本
影印初編各叢書
僅有此本

紀錄彙編卷之一百三十六

科場條貫

陸深

陸深

洪武十八年令會試主考官二員同考官三員臨期具奏於翰林院官請用其餘同考五員於在外學官請用

本朝鄉試用子午卯酉年會試用辰戌丑未年惟前癸未年因太宗渡江用明年甲申會試天順癸未科場災至秋復試以明年甲申殿試

會試

會試錄亦稱小錄見於正統七年禮侍王英前定是
年同考則有永新縣知縣陳肩韜京衛武學教授
紀振俱進士岐陽縣教諭彭舉彌封膳錄對讀官
俱用部屬中式十二名李森都察院吏三十三名
南昱刑部吏一百廿一名鄭溫松陵驛驛丞
十年同考則有吏科給事中候潤一教授二教諭是
歲中式者無他流

十三年侍講杜寧爲副考官同考有二教諭一訓導
有辦事官舒庭謨中一百二十五名

景泰二年知貢舉官胡濙楊寧俱禮部尚書副考官

脩撰林文同考則有刑部主事錢博廣東叅政羅崇本一教授一學正一訓導

五年考試官商輅輅正統十年進士閱三科爲正考官已至兵侍兼翰林學士春坊大學士同考則侍講兼中允楊鼎贊善兼檢討錢溥皆已未進士先一年奏准會試考官翰林春坊專其官京官由科第有學者兼取以充是年郡縣教職爲同考者絕矣而受卷彌封對讀官則用知縣知州等官爲之

天順元年副考呂原通政司右叅議兼侍講同考錢

溥尚寶司少卿兼編脩李泰尚寶司丞兼編脩是時英廟復辟官制更改徐必以翰林典籍爲房考彌封官則用府同知矣

四年閻禹錫以國子學正爲房考

七年科場火移千秋試是科五經刻文三篇論刻二道文盛於是矣

成化二年供給官則用禮部精膳司員外張顯矣五經亦刻三篇第二場刻詔

五年每歲翰林同考敘官同陞者序科是歲惟周經以庚辰序於丙戌之後

八年科場條貫畧定矣

十一年編脩林瀚敘於己丑之下

十四年同考則有行人司右司副張祥

廿二年尹閣老直主考序稱宣德丁未大學士楊士
奇議會試取士分南北卷北四南六旣而以百乘
除各退五爲中數是年從言者又各退二卷以益
中數云

舊制俱以八日鎖院至成化二年裁定以二月七日
鎖院唯弘治五年以郊祀齋命先一日蓋六日云
洪武十七年頒行科舉成式會試同考八人

正德六年劉閣老忠主考序云舊制五經同考總爲十四人近以易詩卷浩繁各增一人爲十七人據正統元年才八人至景泰五年增二人爲十人天順四年又增二人爲十二人成化十七年又增二人爲十四人

洪武三年庚戌始開科取士士之就試者一百三十三人中式者七十二人主試則御史中丞劉基治書侍御史秦裕伯同考則翰林侍讀學士詹同弘文館學士睦稼起居注樂韶鳳尚寶丞吳潛國史宋濂而序出於濂八月京畿鄉試會試合河南陝

西北平山東山西江西湖廣浙江廣東廣西福建
十一省之士而高麗之士亦與焉就試之士二百
中式者百二十人而景濂復爲分考復爲之序

弘治七年始命小錄中考試等官不許稱張公李公
洪武十七年始頒行科舉定式三年大比各次年會
試鄉舉猶未限名也吏胥不許應試則在四年之
詔

永樂十五年兩京始命翰林春坊官主考

景泰元年令鄉試同考用五人專經考試

洪武辛亥秋八月京畿鄉試兵部尚書吳琳國子司

業宋濂爲主試其受卷謄錄對讀彌封等官皆廷
臣云